



Posbus 636
Rayton
1001

Tel.: +27 12 802 4285
+27 82 322 6590

andries.breytenbach@gmail.com
www.volksraad.co.za

29 Januarie 2020

Aan: Mnr. V. Ramaano
3de Vloer
Pleinstraat 90
Kaapstad
8000

E-pos: section25@parliament.gov.za.

Geagte mnr Ramaano,

In antwoord op die uitnodiging van die *ad hoc*-komitee gemoeid met die wysiging van artikel 25 van die grondwet, om skriftelike voorleggings oor die Konsep Konstitusie Agtiende Wysiging Wetsontwerp (Draft Constitution Eighteenth Amendment Bill [B – 2019]) te maak, word die onderstaande kommentaar aan u voorgelê vir kennisname en oorweging:

**Voorlegging deur die Boere-Afrikanervolksraad
oor die konsep wetsontwerp vir die wysiging van
artikel 25 van die Suid-Afrikaanse Grondwet
(Draft Constitution Eighteenth Amendment Bill [B – 2019])**

1. NADEMAAL ontneming van eiendom wat aan iemand anders behoort, sonder die eienaar se goedkeuring en/of sonder om die eienaar billik daarvoor te vergoed, 'n kriminele daad van diefstal is;
2. EN NADEMAAL misdaad nie gelegitimeer kan word deur wetgewing wat die owerheid magtig om die burgery se eiendom te steel, deur die parlement te stoomroller nie;
3. EN NADEMAAL sodanige wetgewing illegitiem en immoreel is;
4. EN NADEMAAL regerings wat nogtans sodanige wetgewing op die wetboek plaas, onverantwoordelik en misdadig optree, hulle gesag misbruik, die vrede bedreig, geregtigheid misken en die bevolking terroriseer;
5. EN NADEMAAL sodanige regerings van die nasionale en internasionale toneel verwyder behoort te word;
6. EN NADEMAAL regerings wat die burgery se eiendom steel, soos enige ander misdadiger tot verantwoording geroep moet word vir hulle optrede;

7. EN NADEMAAL sodanige wetgewing deur die Boere-Afrikanervolk beskou word as 'n kwaadwillige daad van uiterste vyandigheid téén, en provokasie van die Afrikanervolk (en trouens elkeen wat nie die beginsels van kommunisme onderskryf nie);
8. EN NADEMAAL diefstal van 'n volk se eiendom — veral grond — deur volksvyandige magte en owerhede telkens in die geskiedenis tot oorlog en bloedvergieting gelei het;
9. EN NADEMAAL elke volk geregtig en verplig is om sy grond en ander eiendom teen so 'n vergryp met die middele en vermoë tot sy beskikking te verdedig;

**DERHALWE VERKLAAR ONS,
die Boere-Afrikanervolksraad**

namens die deel van ons volk wat ons in 'n volkseie demokratiese verkiesing tot die amp verkies het en/of as hulle verteenwoordigers in hierdie saak beskou, en almal wat hierdie kommentaar onderskryf, soos volg:

1. Ons verwerp die voorgestelde wetgewing om artikel 25 van die huidige grondwet te wysig en enige poging om onteining sonder vergoeding te "wettig", in sy geheel;
2. ons sal sodanige wetgewing nie as legitieme wetgewing erken nie, en sal ons met die middele en metodes tot ons beskikking teen die diefstal van ons eiendom verweer;
3. ons sal nie die eienaarskap of besitreg van persone of instansies wat eiendom kragtens die onderhawige wetgewing vat of aan wie sodanig gesteelde eiendom gegee, verkoop of op enige ander wyse toegewys word, erken nie;
4. ontneming van ons eiendom wat met staatsmag uitgevoer word, sal, wanneer die geleentheid en omstandighede daarvoor ontstaan, omgekeer word deur die eiendom aan hul regmatige eienaars terug te gee. Die koste van sodanige omkering en skade deur die regmatige eienaars deur sodanige ontneming gely, sal van diegene wat daarvoor verantwoordelik was en/of daaraan meegedoen het, verhaal word; en
5. lede van 'n wetgewende vergadering wat sodanige wetgewing ondersteun, die president wat dit goedkeur, en amptenare wat dit uitvoer, sal, wanneer die geleentheid en omstandighede hulle daartoe leen, kollektief en individueel voor die gereg tot verantwoording geroep word, en elkeen van hulle sal persoonlik vir die koste van sodanige litigasie aanspreeklik gehou word.

Onderteken op hierdie 29ste dag van Januarie 2020 te Rayton namens en in my hoedanigheid as Voorsitter van die Boere-Afrikanervolksraad.

NS: Die Afrikaanse teks is die amptelike teks van hierdie kommentaar.



Andries E. Breytenbach